

明

史

明史卷二百七十三

列傳一百二十四

王守仁

伍文定

邢

徐 璉

戴德孺

王守仁字伯安餘姚人南京吏部尚書華子也母娠十有四月祖母夢神人自雲中送兒下遂生因名雲五歲不能言遇異人拊之更名守仁乃言登弘治十二年進士除刑部主事獄中素高蔬餉以囚食歲終則殺而分之囚徃徃乞食守仁提牢至立命殺以食囚其弊遂絕決囚江北已引疾歸起補兵部主事正德元年冬劉瑾逮南京臺諫二十餘人守仁抗章論

敕瑾怒矯旨廷杖四十謫貴州龍場驛丞至錢塘瑾使人追之急守仁懼不免賦詩寘衣冠岸側若沉江者而潛附商舶至福建遇故所識道士責之曰若有父在倘瑾逮若父誣若潛走異域何以自明守仁悟乃赴龍場其地萬山叢蔭苗獠雜居守仁因俗化導夷人喜相率伐木為屋以棲守仁瑾誅量移廬陵知縣入覲遷南京刑部主事吏部尚書楊一清留之驗封累遷考功部中樞南京太僕少卿就遷鴻臚卿十一年八月兵部王瑗奇守仁才擢右僉都御史巡撫南贛當是時南中盜賊所在蜂起謝志山據橫水左

漢桶岡池仲容據剝頭皆稱王與大庾陳曰能樂昌
高快馬郴州龔福全等攻剝府縣而福建大帽小賊
屠師富等又起前巡撫文森託疾不赴志山合樂昌
賊掠大庾攻南康贛州贛縣主簿吳玘戰死遠近蓋
震守仁至知軍門左右多為賊耳目乃呼老練尤黠
者至卧內詰之曰汝通賊當死能自劾實汝罪緣戰
粟不敢隱因令詞賊賊中動靜守仁無弗知乃立十
家牌法察奸訓兵決策進討以大帽賊尤逼檄福建
廣東會兵明年正月督副使楊璋等破賊長富村賊
奔象湖官軍進逼之不利指揮率板縣丞紀鏞戰死

諸將議調狼兵俟再舉守仁不可親率銳卒也上枕
伴媯衆退師出不意直搗象湖奇兵從間道潛全賊
驚潰諸道兵感之連破四十餘寨俘斬七千有奇師
甯按首帥還疏言權輕無以號令將士請給旂牌提
督軍務得便宜從事尚書瓊奏從其請乃更兵制定
二十五人為伍伍有小甲二伍為隊隊有總甲四隊
為哨哨有長協哨二伍之二哨為營營有官叅謀二
佐之三營為陣陣有偏將二陣為軍軍有副將督臨
事自委不命于朝副將得罰偏將得罰營官下
至小甲得罰卒伍務使上下相制舉動齊一由是兵

咸蓋振其年九月進兵大庾志山聞官軍出東聞急
攻南安知府李敷擊敗之副使璋等亦生繫曰能以
歸邊議討橫水左溪都指揮許清翰州知府邢珣率
都知縣王天與各將一軍會橫水敷及守恪却文汀
州知府唐淳縣丞舒富各將一軍會左溪吉安知府
伍文定率兵逼其奔軼而守仁自將駐南康去橫水
三十里先遣四百人潛于賊巢左右乘高布伏然後
進軍逼之賊方迎戰兩山砲發賊舉大驚謂官軍已
盡舉其巢遂潰守仁乘勝克橫水志山及其黨蕭貴
煥等皆走桶岡左溪亦破守仁以桶岡險固移營近

地遣人諭以禍福賊首藍廷鳳等方震恐見使者至大喜期以十一月朔降而珣文定諸軍已冒雨奪險而入賊阻水為陣珣麾兵直渡奪擊知縣張戢衝其右文定又自戢右出賊倉皇敗走遇淳兵迎戰又敗明日諸軍破桶岡志山賁模廷鳳而縛出降而湖廣巡撫秦金亦破福金其黨千餘人突至諸軍擒斬殆盡先後俘賊魁八十六人從賊五千餘人乃設崇義縣于橫水控制諸徭還至贛州議泃頭賊初守仁之平師寓也龍川賊盧珂鄭志高陳英成請降及征橫水泃頭賊將黃金業亦以五百人降獨仲容未下後

橫水破仲容始遣其弟仲安率二百人來歸而嚴為
戰守備守仁知其情遣使齎牛酒問設備故仲容詭
言盧珂鄭志高我誓也將襲我故為之備非虞官軍
也守仁佯怒召珂等杖而擊之令仲安諭意而陰使
珂等集兵以待遂下令散兵未歲首春大張燈樂仲
容聞且信且疑之守仁又賜仲容新曆屬使者說入
謝仲容乃率其黨九十三人來營教場而自以數人
入謁守仁可之曰若皆吾民何故屯于外疑我乎悉
引入祥符宮厚飲食之賊大喜過望蓋自安守仁密
遣進兵而留仲容觀燈樂明年正月三日置酒大享

潛伏甲士于門諸賊入以次悉擒戮之自將麾下至
軍直抵上荆大破賊衆諸軍畢集連破中荆下荆斬
賊二千有奇餘賊奔九連山山橫亘數百里四面陡
絕不可攻乃簡壯士七百人衣賊衣奔至岸下賊不
知而下招之遂上據其險明日官軍進攻內外合擊
擒斬無遺乃于下荆立和平縣置戍而歸自是境內
大定初朝議賊勢強盛發廣東湖廣兵令勅守仁謂
遠調客兵煩擾公私且曠日持久進止難一急上疏
止之不及桶岡既滅湖廣兵始至及平荆頭廣東尚
未及承檄一時領兵之將不過二三書生及偏裨小

校而平數十年巨寇如拉朽遠近咸驚為神進右副
都御史時中官勢盛帝從鎮守太監畢真奏討賊事
宜必協議乃行守仁恐真阻撓凡報捷率令其弟姪
賈泰真乃善十四年六月奉命勅福建叛軍行至豐
城而寧王宸濠反知縣顧必以告守仁急易小舟趨
吉安召伍文定定計討賊徵調兵食治器械舟楫數
日而辦表上宸濠偽檄因言陛下在位十四年數經
變難盤游未息致宗室潛謀窺竊神器今天下覲覩
豈特一寧王奸雄豈特在宗室言念及此凜骨寒心
骨漢帝有輪臺之詔而天下獲安唐宗有奉天之詔

而強藩感泮伏望陛下痛自刻責務鞫改絃出奸使
以回天下豪傑之心絕巡遊以杜天下奸宄之望宗
社幸甚帝不省時里居副都御史王懋中編修鄒守
並副使羅循羅欽德部中曾直御史張鰲山周魯坪
事羅僑同知郭祥鵬進士郭持平降誦驛丞王思李
中威來赴義御史謝源伍希儒自廣東還守仁留之
紀功因集衆議曰賊若出長江順流東下則南都不
可保吾欲以計撓之使賊少違旬日則無患矣乃多
遣間謀檄府縣言都督許泰邵永將遣兵都督劉暉
桂勇將京兵各四萬水陸並進南贛王守仁溯廣秦

金兩廣楊旦各率所部合十六萬直趨南昌所至有
司缺供者以軍法論又為蠟書遺李士實劉養正叙
其歸國之誠故令早發兵東下而縱謀洩之宸濠果
疑未敢即發至七月壬辰朔留宜春王拱樞居守自
將兵出大江薄安慶守仁謀知南昌兵少則大喜趨
樟樹鎮于是知府臨江戴德孺袁州徐璉贛州邢珣
都指揮余恩通判瑞州胡克元董琦撫州鄒瑋吉安
譚儲推官王暉徐文英知縣新淦李美泰和李楫萬
安王冕寧都王天與各以兵來會合八萬人號三十
萬衆議所向或請趨救安慶守仁曰不然今九江南

康已為賊守我越南昌與賊相持江上二郡必出為
絕我後是我背腹受敵也不如直搗南昌賊精銳悉
出守備必虛我軍新集氣銳攻之必破賊聞南昌破
必解圍自救我逆擊之湖中蔑不勝矣眾曰善已酉
次畫城中嚴軍令以文定為前鋒庚戌夜半抵廣潤
門守兵駭散辛亥黎明諸軍梯絙石登縛拱櫓等軍
士頗縱殺掠守仁急整軍入戮千紀者十餘人下令
宥脅從安輯士民懸諭宗室人心大悅居二日遣文
定珣連德孺各將精兵分道並進宸濠果自安慶還
兵乙卯過于黃家渡文定當其前鋒賊爭進趨利珣

統出賊背奮擊貫其中文定恩未之逮德孺張兩翼
分其勢守仁別遣克元等發伏擊之賊大潰擒斬二
千有奇溺水死者萬數賊退保八字腦宸濠懼盡發
南原九江兵赴援守仁遣知府撫州陳槐饒州林瑛
取九江建昌魯璵廣信周朝佐取南原丙辰復戰官
軍風逆不利守仁斬先却者文定以身殉砲石間火
燎積不動諸軍殊死戰賊復大敗退保樵舍聯舟為
方陣盡出金寶犒士明日宸濠方辰朝其群臣而官
軍奄至以小舟載薪乘風縱火其副舟妻妃以下皆
投水死宸濠舟大膠淺倉卒易舟而逃王冕所部兵

進執之士賈養正及降賊按察使楊璋等皆被獲南
康九江亦下凡三十五日而賊平先是京師聞變諸
大臣震懼王瓊大言曰王伯安居南易上游必能擒
賊至是果奏捷是時帝已親征自稱威武大將軍命
安邊伯許泰為副將軍偕提督軍務太監張忠平賊
將軍左都督劉暉將京軍數千赴南易諸嬖倖與宸
濠通者懼獲罪又忌守仁功高競為蜚語謂守仁先
與同謀慮事不成乃起兵又欲緘宸濠湖中待帝到
陣自擒遠近疑懼守仁未忠泰未至先俘宸濠發南
易志泰以威武大將軍檄邀之於廣信守仁不與聞遣

玉山上疏請獻俘止帝南征帝不許至錢塘遇太監
張永極言江西困敵不堪六師再擾永深然之曰吾
此來正為群小在側欲調獲聖躬非邀功也先生大
勛吾自知之第事不可直情耳守仁知永可託乃以
宸濠付之而身至京口欲朝行在聞巡撫江西命乃
還南昌忠泰已先至恨失宸濠故縱北軍犯守仁或
呼名媛罵守仁不為動撫之愈厚其有病者予藥死
予棺遇北軍喪必停車慰問良久始去由是北軍人
又感悅謂王都索愛我無獲犯者忠泰復言寧府需
摩關天下今所蓄安在守仁曰宸濠異時盡以輸京

師貴人約為內應藉可按也忠秦故嘗納宸濠胸者
氣慚不敢復言己輕守仁文士強之射守仁固辭不
得徐起三發三中北軍皆歡呼忠秦益沮會日長至
守仁命居民巷祭已上塚定時新遭喪亂悲號振野
北軍離家久聞之無不泣下思歸者忠秦不得已班
師北見帝與紀功給事中祝績御史章綸譏毀百端
獨永時時左右之忠以江彬能得帝意問之曰守仁
將興兵誅君側之奸忠為首次即公又揚言帝前曰
守仁必反試召之必不來先是忠秦屢矯旨召守仁
守仁得永容信不赴至是知出帝意立馳至忠秦針

阻不全見帝還蕪湖又不得命守仁乃入九華山日
晏堂僧寺帝親知之曰王守仁學道人聞召即至何
謂反乃遣還鎮令更上捷音守仁乃易前奏言奉威
武大將軍方畧討平叛亂而盡入諸壁律名江彬以
下乃無言時讒邪媮煽禍變百出微守仁東南事幾
殆世宗深知之首召入朝而大學士楊廷和與王瓊
不相能守仁前後平賊率歸功瓊廷和不喜大臣亦
多忌其功于是有言國家未畢不宜舉宴行賞者遂
拜南京兵部尚書守仁不赴請歸省已論功封特進
光祿大夫柱國新建伯世襲歲祿一千石然不予錢

奏歲祿亦不給諸同事有功者廢斥殆盡守仁不能
安時己丁父憂屢疏辭將乞錄諸臣功成報寢免喪
亦不召所善席書及門人方獻夫黃綰以敬禮貴幸
言于張璉桂萼將召用又為費宏所阻嘉靖六年思
恩田州土酋盧蘇王受反總督姚鏌不能定乃詔守
仁以原官兼左都御史總督兩廣兼巡撫綰因上書
松守仁功請賜錢券歲祿并叙討賊諸臣帝咸報可
守仁在道疏陳用兵之非且言思恩未弒流官土酋
歲出兵三千聽官征調既弒流官我反歲遣兵數千
防戍是流官之設無益可知且田州地隣交趾其間

深山絕谷悉猛橫盤據必仍設土官斯可藉其兵力
以為屏蔽若改土為流則邊鄙之患我自當之後必
有悔幸下兵部尚書王時中調其不合者五帝令守
仁更議十二月守仁抵潯州會巡按御史石金定計
招撫悉散遺諸軍止留永順保靖土兵數千解甲休
息種受初求撫不得聞守仁至益懼至是則大喜明
年正月守仁赴南寧二人遣使乞降守仁令諸軍門
二人竊議曰王公素多詐恐給我國請陳兵入見守
仁數其罪杖而釋之親入其營其衆七萬人咸就撫
守仁奏聞于朝陳用兵十害招撫十善因請復設流

官量割田州地別立一州以奉猛次子邦相為吏目
署州事任有功始擢知州而于田州置十九巡檢司
以蘓受等任之并受約束于流官知府帝皆從之是
時斷藤峽徠賊上達八寨下通仙台花相諸洞蠻蠻
亘三百餘里流劫州縣軍民橫罷鋒鏑者積數十年
守仁欲討之故留南寧罷遣湖廣土官示不再用伺
賊不備忽四面並進連破牛場六寺等十餘寨斷藤
峽悉平遂循橫石江而下攻仙台花相白竹古陶羅
鳳諸賊克之布政使林霽率蘓受兵別從新墟道直
抵八寨突破石門副將沈希儀以思恩兵分道邀擊

賊賊傳斬殆盡八寨亦平先是守仁召用出總等意
等暴貴喜功名欲乘勢取交趾守仁不聽等大意宣
言思田宜征顧行撫八寨無罪乃反征帝入其言嘗
遂不行獻夫及霍韜不平上疏曰臣等皆廣東人脩
知諸徭為患積年先嘗調兵數十萬人耗銀數十萬
兩糧數十萬石僅得一田州旋復召寇而我軍失亡
困已大半今守仁承百年困敝之後感聖明特遣之
知不役一卒不費斗糧片言馳諭而思田稽首至八
寨斷藤峽之賊烏樓歎服于深岩絕峒自國初以來
未有輕議征勦者今一舉蕩平若拉朽勞苦功高

如此議者乃言守仁受命征思田不受命征八寨夫
大夫出疆有可以安國家利社稷者之可也况守仁
固承認得便宜從事者乎先是守仁討平叛藩為忌
者所抑不曰守仁初同賊謀則曰輦載金帛以歸當
時大臣楊廷和喬宇飾成其事至今未白夫忠如守
仁有功如守仁一屈于江西再屈于兩廣兵部功賞
不見施行戶部伏題又行祭勛臣恐自此勞臣灰心
將士解體後疆圉有事誰復為陛下任之帝但報聞
而已是時守仁已病甚上疏乞骸骨舉鄖陽巡撫林
富自代不俟命竟歸十一月晦行至南安卒年五十

七喪過江而軍民無不縞素哭送者守仁天安異數
少時常問其師曰讀書何為曰取科第耳曰但為是
耶然故好游戲佻健不羈隨父京師嘗潛出塞外躍
馬挽強縱觀山川形勢踰月始返年十七謁上饒婁
諒輿論朱子格物大指自是有志正學還家日端坐
讀五經不苟言笑然未有所得後游九華更好神仙之
說歸築空陽明洞中習導引術尋復棄去從釋氏遊
亦無所得既謫龍場窮荒無所得書日夕紬繹舊聞
忽悟格物致知當自求諸心不當求諸事物始喟然
曰道在是矣遂篤信不疑其為說曰道家言虛聖人

豈能如一毫竇佛家言無聖人豈能如一毫有聖人
祇這良知本體更無所加良知之虛即天之太虛良
知之無即太虛之無形凡日月風雷山川民物有貌
有象有形有色者皆從太虛無形中發用流行未嘗
能為天之障礙聖人順良知之發用天地萬物俱在
發用流行中何有一物能為良知之障礙守仁既以
此自信故其為教以無善無惡為心之體以有善有
惡為意之動以知善知惡是良知以為善去惡是格
物欲學者需求所謂良知而遺棄問學謂宋儒之說
研尋探索妄開竅徑踏荆棘墮坑塹日就支離決裂

作朱子晚年定論以標列異趨策勵學者久之從游
日廣附和日衆士之新奇怪僻者翕然從之以下學
為剽賊以詳說為窒滯以窮理為僻澁用故諸儒自
立門戶而統修實踐之士未之許也議紛紛起攻擊
競至出奴入主枝撐不相下尊之者以為追宗象山
斥之者以為撮拾二氏究其流弊象山猶使人返求
諸心而王氏之學則入于恍惚不可知矣守仁既卒
帝以其擅離職守大怒諭吏部具狀尚書等言守仁
疾篤離任旋報物故情似可原帝意未釋言守仁學
術事功多有可議廷臣其詳定是非及封爵予奪以

聞于是萼會廷臣上議曰守仁事不師古言不稱師
欲立異以為名則非朱熹格物致知之論知衆論之
不予則為朱熹晚年定論之書號召門徒互相倡和
才美者樂其任意或流于清談庸鄙者借其虛聲遂
至于緼肆傳習轉訛背謬日甚門人為之辨謗至謂
杖之不死投之江不死以上實眩聽幾于無忌憚矣
若夫討捕牽賊擒獲叛藩據事論功誠有足錄是以
陛下御極之初即拜伯爵雖出于楊廷和預為己地
之私亦緣先帝黃榜原有封拜侯伯之令功罪不相
揜今宜免其追奪以章國家之大信申禁邪說以正

天下之人心帝乃下詔曰守仁放言自肆詆毀先儒
招致門徒虛聲附和用詐任情壞人心術士子傳習
邪說皆其倡導宜與伍文定仗義除寇功固可錄但
其無節制奏捷誇張近日掩襲寨夷恩威倒置所封
伯爵本當追奪念係先朝信命姑與終身其歿後恤
典俱止不行仍榜諭天下敢有踵襲邪說果于非聖
者重罪不宥給事中周延先爭之遂被黜隆慶初延
臣多訟其功詔贈新建侯諡文成萬曆十二年詔從
祀文廟始守仁無子育弟子正憲為後晚年生子正
德二歲而孤既長襲錦衣副千戶隆慶初襲伯爵萬

曆五年卒子承勳嗣督漕運二十年號稱職子先進
無子將以弟先達子業弘繼先達妻曰何繼為伯無
子爵自傳吾夫由父及子爵將安往先進怒固有族
子業洵為後及承勳卒先進未襲死承勳貨產乃歸
業洵業洵自以非守仁嫡嗣爵終歸先進弟先達既
襲必爭產乃誘先達為乞養而別推承勳弟子先通
當嗣由是先達與先通屢爭于朝數十年不決案積
時先達子業弘復與先通疏辨而業洵兄業浩時為
兩廣總督所司懼忤業浩竟以先通嗣業弘憤持疏
入禁門斬自刎不殊執下獄先通為伯四年流賊陷

京城被殺案弘獲免

伍文定字時恭松滋人父瑋貴州參議文定舉弘治十二年進士有膂力善騎射議論慷慨不能下人授常州推官精敏善決獄稱彊吏魏國公徐備與無錫民爭田文定勸歸之民劉瑾入備重賄與大獄巡撫艾樸以下十四人悉被徵文定時已遷成都同知亦下詔徵斥為民瑾敗起補嘉興江西姚源賊王浩八等流劫浙江開化都御史俞諫檄文定與叅將李蔭都指揮江洪僉事儲璠討之軍于華埠而都指揮白弘興湖州知府黃衷別營馬金賊黨劉昌三破馬金

軍執弘官軍大挫浩八自以其衆衝華埠洪走定擊
敗之追及孔瑋陸珊亦追至地淮破其衆斬首百七
十級散脅從四千人進攻溧田洪以奇兵深入賊伴
走擲金帛于地衆趨之陣亂洪及指揮張琳等皆被
執文定等殺後得還賊亦遁歸江西練等上文定忠
勇狀詔所司獎勞九年擢河南知府計擒劇賊張勇
李文簡以才任治劇調吉安討平永豐及大茅山賊
已與王守仁平桶岡橫水宸濠反吉安士民爭亡匿
文定斬亡者一人衆乃定逆迎守仁共平賊摧江西
按察使張忠許泰至南畝欲冒其功而守仁已傳宸

濠赴浙江忠等失望大恨文定出謂遂縛之文定罵
曰吾拚九族為國家平大賊何罪汝天子腹心乃屈
辱忠義為逆賊報仇法當斬忠益怒以銅錐擊文定
仆地文定求解任不報尋遷廣東右布政使未赴而
世宗嗣位文定列上其狀且曰袁忠泰與劉暉至江
西忠自稱天子弟暉稱天子兒泰稱威武副將軍與
天子同僚折辱命吏誣害良民需求萬端計所漁獵
何止百萬及脂膏罄盡乃始旋師致餓殍遍野盜賊
縱橫雄萬斯三人不足謝江西百姓今大慈如江彬
錢寧哥已伏法三人實其黨與乞速正天誅用章國

典又積發宸濠貲財還之江西以資經費矜釋忠泰
所陷無辜及寧府宗人不預謀者以清寃獄帝並嘉
納之掄功進右副都御史提督標江嘉靖三年討獲
海賊董效等二百餘人賜勅獎勞明年謝病歸六年
召拜兵部右侍郎其冬擢右都御史代胡世寧掌院
事雲南土酋安鈐反敗叅政黃昭道攻陷尋甸嵩明
明年武定土酋鳳朝文亦反殺同知以下官與鈐合
兵圍雲南詔進文定兵部尚書兼前職提督雲南四
川貴州湖廣軍務討之以侍郎梁材督餉會芒部叛
酋沙保子普奴為亂朝議并以屬文定文定未至雲

南銓等已為巡撫歐陽重所破遂移師征普奴左都
御史李承勛極言川貴殘破不需用兵詆文定失計
遂召還命提督京營文定行至湖廣跪乞省祭歸已
四川巡按御史戴全上言叛酋稱亂之初勢尚可撫
而文定決意進兵一無顧惜師旅窮于川貴軍聲震
于楚滇飛易輓糧糜數十萬及有詔罷師尚不肯已
而又極論土酋阿濟等罪率民詭言幾復生變臣愚
以為文定可罪也帝下吏兵二部核議尚書方獻夫
李承勛詆文定好大喜功傷財動衆乃令致仕文定
志義自許遇事敢為而不能與時俯仰故雖功名甚

著而齟齬終身芒部之徒憤小醜屢肆亂畧欲為國
伸威所執甚正而為議者旁撓廟堂又尚務姑息識
者恨之天啓初進謚忠襄始與文定共平宸濠者邢
珣徐璉戴德孺珣當塗人弘治六年進士正德初歷
官南京戶部郎中忤劉瑾除名璉起南京工部遷
贛州知府招降劇盜滿總等授廬給田撫之甚厚後
討他盜多藉其力王守仁征橫水桶岡珣常為軍鋒
功最增二秩宸濠反遣使賚重賞誘總總執其使送
珣遂從珣共平宸濠璉朝邑人文定同年進士由戶
部郎中出為袁州知府從討宸濠獲首功千餘事定

珣璉並遷江西右叅政世宗錄功各增秩二等嘉靖
二年大計給事御史劾監司不職者二十二人珣璉
與馬吏部以軍功未酬請進秩布政使致仕從之二
人由是遂廢珣璉子璉幼有俊才嘗受業張璉嘉靖初
璉登鄉薦總已貴顯璉欲援之辭不應銓授浦城知
縣有徐浦者家貧年十五執役公府璉一見異之令
與子同學且為娶妻後果登第為給事中其家世世
奉祀焉弟址舉進士歷御史終山東鹽運使以清操
聞德播臨海人弘治末進士歷工部員外郎監蕪湖
稅有清名再遷臨江知府宸濠反遣使來收府印德

勝斬之與家人臨池誓曰吾當死守孤城脫有急若
輩先沉池中吾誓不負國也即日戒嚴旋與守仁共
滅宸濠以憂去世宗以德擒馭軍最整獨增三秩為
雲南右布政使舟次徐州獲水死後贈光祿寺卿予
一子官

論曰歷觀守仁用兵全以智數取勝是固然矣蓋兵
鏡道也利用權變以圖濟者也信如是也將古之戡
大亂集大勳者果不皆傾危險詐之徒耶仲尼去正
誦之評子與嚴霸王之辨又胡為是諄諄者况乎擒
濠之舉當時實噴有煩言恐未盡出于讒忌之口也

嗟嗟守仁事功如此卽學術亦可知矣文定具有才
氣緩急宜可任倚而惜未究其用珣連德孺則所謂
因人成事者耳然而德孺較優云

明史卷二百七十四

列傳一百二十五

鄒守益 子善 孫德溥 德泳

歐陽德 羅洪先 父循 何廷仁 黃弘綱

劉邦采 從兄文敏 族子曉 魏良政 弟良器

徐愛 蔡宗亮 錢德洪 王畿

程文德 王艮 薛侃

蔣信 周銜 冀元亨 陸澄

林春 徐樾

鄒守益字謙之安福人父賢自有傳正德六年守益
舉會試第一進士第三授編修踰年告歸始守益舉

會試出王守仁之門然未從講學也後讀中庸疑
學先格致而中庸乃首慎獨積思久之疑未釋往謁
守仁于贛州相與反復者閱月因悟格致即慎獨曰
道在是矣寧庶人反從守仁討平之世宗即位始赴
官嘉靖三年二月帝欲去興獻帝本生之稱守益疏
諫曰禮所以正名分別嫌疑者也君失禮則入于亂
臣失禮則入于刑不可不慎也今陛下推恩本生尊
為帝后其于私親非不隆矣復加以皇考之稱去其
始封之號則視正統疑若無別臣聞尊無二上我大
祖稽諸禮經製孝慈錄有曰為人後者為所後父母

三年為所後祖父母承重為本生父母降期即喪服
之隆殺則廟制祭法皆可類推伏望恪遵祖訓毋為
異論所惑疏入忤旨被責踰月復上疏曰陛下欲隆
本生之恩委下群臣會議羣臣據禮正言致蒙詰讓
由是顧畏不敢復陳道路相傳且有孝長子之稱是
陛下徇情以為孝群臣順令以為忠長此不已殆非
國家之福也昔魯元以父寢疾憐于易箒蓋愛之至
也而魯子責之曰姑息魯公受天子禮樂以祀周公
蓋尊之至也而孔子傷之曰周公其衰矣臣願陛下
勿以姑息事獻帝而使後世有其衰之嘆且群臣之

議援經誼古欲陛下專意正統此皆為陛下忠謀者
也今不察而督過之謂忤且慢喜怒好惡夫亦少失
其平矣臣歷觀前史如冷褒段熲之徒當時所謂忠
愛後世所斥以為邪媚也師丹司馬光之徒當時所
謂欺慢後世所仰以為正直也後之視今猶今之視
古伏望陛下屈己從善不吝改過察群臣之忠愛信
而用之其去國者召而後之無使姦人動搖國是離
間宮闈昔先帝南巡群臣交章諫阻先帝赫然震怒
豈不謂欺慢可罪哉陛下在藩邸聞之必以是為盡
忠于先帝也今日入總大統獨不容群臣盡忠于陛

下平帝得脫大怒下詔獄考掠謫廣德州判官守蓋
盡心民事廢淫祠建復初書院興學者謀校其間稍
遷南京禮部郎中州人立生祠祀之聞守仁卒為位
哭服心喪日與呂柟湛若水錢德洪王畿薛侃輩論
學考滿入都即引疾歸程文德來知安福請守蓋登
正賦役欣然任之賦役為均久之以薦起南京吏部
郎中召為司經局洗馬守蓋以太子年幼未能出閣
乃與霍韜上聖功圖自神光茅茨土階至帝西苑耕
稼委桑凡為圖十三帝以為假借誇訕幾得罪賴韜
素受帝知事乃解守蓋之為洗馬也非內閣夏言意

明年春遂遷太常少卿兼侍讀學士出掌南京翰林院御史毛愷請留侍東宮被調尋改南京祭酒又明年九廟災諸大臣自陳者第引罪守並獨陳上下交修之道以啟中宗高宗反妖為祥享國長久為言帝大怒落職歸守益天姿純粹最為守仁所重嘗稱之曰有若無實若虛犯而不校謙之近之矣里居日以講學為事四方從遊者踵至其學宗良知而于戒慎恐懼蓋兢兢焉嘗語學者曰良知一也自其無昏昧謂之覺自其無放逸謂之戒懼功夫則同所從言之異耳若以戒懼起意為非則誤矣學者稱東廓先生

家居二十餘年卒隆慶初贈南京禮部右侍郎謚文
莊先是守仁嘗主山東鄉試堂邑穆孔暉舉第一選
成進士改庶吉士授檢討歷侍講學士卒贈禮部右
侍郎謚文簡孔暉端雅好學初以守仁非薄宋儒不
肯宗其說及久乃篤信之始自名王氏學浸淫入予
釋氏其卒也命棺斂從其服孔暉與守益皆守仁所
取士皆宗其學然孔暉以禪見譏去守益遠矣守益
予善嘉靖三十五年進士以刑部員外郎恤刑湖廣
釋釋為多擢山東提學僉事時與諸生講學萬曆初
累官廣東右布政使謝病歸久之以薦即家授太常

鄉致仕子德涵字汝海隆慶五年進士歷刑部員外
郎張居正方禁講學而德涵守之自若及御史傳應
禎劄台相繼論居正又皆德涵邑人以此見疑為黨
惡之出為河南僉事御史承風指疏論遂貶秩歸初
善服習父訓修踐無怠稱其家學而德涵從耿定向
弟定理問學定理不答德涵憤閉戶潛思至形神滅
劑由是有悟談論專以悟為宗于祖父相傳之學始
一變矣府有香原山四時士女游觀笙歌泝林木德
涵偕弟德溥布袍芒屨間一往游游人愧之鼓吹為
絕德溥舉萬曆十一年進士歷司經局洗馬錦衣千

戶在文炳者中官張誠奴也坐罪籍沒而德溥令其
故居發地得藏金為東廠所奏落職追贓父善聞大
怒欲痛杖之德溥久之不敢歸親舊解釋百方乃已
德溥早負盛名至是為士論所薄善從子德泳萬曆
十四年進士授行人擢御史二十一年給事中李獻
可請預教太子斥為民德泳偕令官救之亦削籍家
居三十年言者交荐咸報寢光宗立起尚寶少卿歷
太常卿魏忠賢用事遂乞休歸所司將為忠賢建祠
德泳陳毀其募籍乃止

歐陽德字崇一太和人甫冠奉鄉試即之贛州從王

守仁受學早夜研窮至忘寢食守仁大器之自是不
應會試者再至嘉靖二年赴試策問陰紙守仁德興
魏良弼等直發師訓無所阿竟亦舉進士除知六安
州慮初政倥偬未遑學問守仁曰吾學豈在閒暇時
耶德愴然既至罷諸繁苛定經費省訟獄汰冗役興
水利賑恤饑民建龍津書院聚生徒論學人心翕然
入為刑部員外郎六年詔簡朝士有學行者為翰林
乃改德編修明年遷南京國子司業建議亭進諸生
與四方學者論道其中德行履素高其誨人復誠意
懇篤士以是日親尋改南京尚寶卿召為太僕少卿

以便養復改南京鴻臚卿父憂服闋留養其母與鄰
守益彝豹羅洪先日以講學為事門人益進以荐起
故官彙遷吏部左侍郎兼學士掌詹事府母憂歸三
十一年服未闋即用為禮部尚書命喪畢之官其冬
入朝又命直無逸殿時儲位久虛帝感陶仲文二龍
不相見之說益諱言建儲德上疏懇請會有詔二王
出邸就婚德以裕王儲庶宗當出外疏言曩太祖以
父婚于褚王皆處禁中宣宗孝宗以兄婚弟始出外
府今事與太祖同請從初制帝不許德又言會典醮
朝王器則曰承宗分藩則曰承家今裕王當何從帝

不悅曰既云王禮自有典制如若言何不竟行冊立
耶德即具冊立儀上帝滋不悅然終諒其誠婚亦竟
不同日己祿王母康妃杜氏薨議喪禮德請用成化
朝妃淑妃故事中外稱其違禮而竟不從秦王為其
中尉女請封德曰祖訓郡王孫六葉以下世授奉國
中尉而女之封號則止于曾玄蓋子女自有差等也
今分封日繁常賦不能給豈得于祖制外溢加恩禮
請斷自五世以下授宗女宗婿之號給冠服婚資聽
其自便崇陽王以罪賜死制不得襲又郡王絕嗣者
與親王異城則襲否則將軍中尉一人以其官奉祀

而崇陽子援他郡王例乞襲封德曰事當慎始此制
一破諸府之乞封者且踵至何以止之請禁諸藩毋
得妄有陳乞宗室以罪降庶人者例計口給食雖名
庶人其所入乃更多于中尉故恒輕犯法德為裁定
其數城中尉三之一弋陽建安樂安諸王爭攝寧府
事令宗人告訐不已德曰寧國已除更何事當攝耶
奏止之帝悉報可德遇事必侃侃持正或當利害衆
相顧色戰德獨意氣自如處之悉當或問德何故能
然德曰吾惟求諸心耳心知為是雖害不顧心知其
非雖利不為此吾所受于師而自致其良知者也問

者嘆服當是時德與徐階稱豹程文德並以宿學都
顯位于是集四方名士于奎濟宮與論良知之學赴
者五千人都城講學之會于斯為盛德器宇溫粹其
為學務真知實踐不尚空虛引掖後進如恐不及與
之接者莫不自化雖以嚴嵩之奸無所容其伎晚年
見知于帝將柄用之而德遽卒朝野莫不哀悼贈太
子少保謚文莊族人瑜字汝重亦學于守仁守仁教
之曰常澹然無自是而已瑜終身踐之舉于鄉不就
會試曰老親在三公不與易也母死廬墓側虎每環
廬而啼不為動起家通州舉正歷四川泰議所至以

師說誨人有廉惠聲年近九十而守身恆若處子德
每亟稱之

羅洪先字達夫吉水人父循進士歷兵部武選郎中
會考選武職有指揮二十餘人素出入劉瑾門循罷
其管事瑾怒罵尚書王敞敞跪謝曰郎中輩為之敞
不知也則又罵曰不能制郎中安用尚書敞益懼歸
郡熊讓趨易走循退避之數日而強敗敞乃謝循循
歷知鎮江淮安二府徐州兵備副使咸有聲洪先幼
慕羅倫為人年十五請王守仁傳習錄好之即欲往
受業循不可而止乃師事同邑李中傳其學嘉靖八

年舉進士第一授修撰外舅太僕卿曾五喜曰幸吾
婿成北大名洪先曰儒者事業有大于此者若此則
三年一人安足喜也洪先事親孝父每肅容洪先冠
帶行酒拂席授几甚恭居二年詔核請告踰期者乃
始赴官尋遭父喪苦塊蔬食不入室者三年繼遭母
憂亦如之十八年簡宮僚召拜春坊左贊善明年冬
典司諫唐順之被書趙時春疏請未歲朝正後皇太
子出御文華殿受群臣朝賀時帝數稱疾不視朝諫
言儲貳臨朝事見洪先等疏則大怒曰是料朕必不起
也降手詔百餘言怒畧備至遂除三人名洪先歸則

並尋求守仁之學然亦未嘗忘經世志甘淡泊鍊寒
暑躍馬撓強考圖觀史自天文地理禮樂典章河渠
邊塞戰陣攻守下逮陰陽算數靡不精研至人才吏
事國計民情彌加諮訪曰苟當其任皆吾事也年垂
五十睹時事日非斯志遂廢然鄉人所疾苦如在己
身邑中田賦多宿弊請所司均之所司即以屬洪先
洪先精心體察宿弊頓除歲饑移書郡邑得粟數千
石率友人躬自賑給流寇入吉安王者倉皇失措洪
先為畫策戰守寇引去素與順之全志友善後順之
應召入都欲挽之出嚴嵩以全鄉故雅知洪先擬假

造才起用皆力辭洪先雄宗良知之學然未嘗及守
仁門已見五氏之徒騰口張皇漸入虛妙心以為非
故其為學為主于靜恆舉易大傳寂然不動周子無
欲故靜之旨以告學人而申之曰能靜寂然後見知
體之良能收攝保聚然後能主靜而歸寂又曰儒者
之學在經世而以無欲為本夫惟無欲然後出而經
世知精而力鉅時王氏弟子王畿謂良知自然不做
纖毫力洪先非之曰世豈有現成良知此非有萬死
工夫不能得故雖與幾交好而持論始終不合羈約
以歸寂之說倡同志人多不謂然惟洪先深契之初

居憂時讀楞嚴得反聞之旨覺此身在太虛視聽若
寄世外忽自省曰得毋誤入禪耶遂棄不學既被放
歸山中有石洞舊為虎穴乃闢荆榛居之廣可容百
人命曰石蓮謝客屏居默坐一榻不出戶者三年事
能前知聞順之計足之始下榻洪先禔身最嚴一介
不取初告歸時遇儀真同年生主事項喬遠為分司
有富人坐死行萬金求為地洪先力拒不聽喬聞亦
微輒之厲聲曰君不聞志士不忘在講壑耶居家值
江漲壞其室巡撫馬森欲為營之固辭不可蕭然坐
空弗以介意隆慶初贈光祿少卿謚文莊

何廷仁初名泰以字行政字性之黃弘綱字正之皆
寧都人廷仁為人和厚接人誠意益溢而弘綱則簡
嚴難近未嘗假色笑于人然兩人砥礪志行殊相得
也廷仁初慕陳獻章為人後聞王守仁之學于弘綱
欣然願見時守仁方征桶岡廷仁詣軍門上謁遂師
事焉遭繼母憂斬然以禮自度不拘流俗守仁益嘉
之授以萬物一體及致良知之說服膺無倦嘉靖元
年舉于鄉復從守仁于浙來守仁令之引掖後進廷
仁詞意懇款人人以為親已然立論尚平實守仁沒
後有為過高之論者輒曰此非吾師之言也二十年

獨選除新會知縣喜曰此陳子故里也吾恨未及其
門今幸仕于其鄉敢以俗吏臨其子弟耶始至釋菜
于其祠而後視事政尚簡易士民愛之遷南京工部
主事分司儀真權蕪湖稅不私一錢滿考即致仕家
素豐自奉極嗇以勇于行義貸日落比卒至稱貸而
後裏事弘綱舉正德十一年鄉試謁見守仁于贛州
即悟心理合一之旨時守仁日治軍書四方從游者
踵至則遠高第弟子先開誘之而後與之講授弘綱
與焉後守仁歸里弘綱從之及守仁卒門人歲推擇
一人紀其家弘綱居二年始歸登鄉舉三十年始就

選得汀州推官召為刑部主事以執法見疾會大計
京官遂以原官致仕先是守仁之門從游者恆數百
其善推演師說者稱弘綱廷仁及錢德洪王畿故時
人為之語曰江有何黃浙有錢王學者稱廷仁善山
先生弘綱洛村先生

劉邦采字君亮安福人自少英特不群初為諸生即
厭舉子業慨然以希聖為志與從兄文敏及弟佐九
人赴浙江謁王守仁于里第邦采姿穎敏言報契合
守仁大嘉之遭父憂疏水廬墓既免喪遂不復應舉
嘉靖七年提學副使趙淵檄縣敦勸赴試邦采不可

淵微下蓋急固強之使必獲行邦采將以布衣獨坐
降禮懇請乃易中服入及門遙見淵不下席遂卻立
不進淵亟起迎之邦采言諸生入闈解衣檢察非待
士禮敢辭巡按御史備良才即令諸生並以常服入
試院免其檢察邦采乃就試遂獲中式久之除壽寧
教授用荐擢嘉興府同知尋棄官歸邦采識既高明
用力復果銳故造詣特深自守仁侶良知為學的久
而益敏有以揣摩為妙悟縱恣為自然者邦采愛之
每極言排斥焉文敏字宜克生而純樸與邦采共學
每夜分不就寢讀守仁傳習錄好之反躬實踐惟覺

動靜未融曰此非師承不可乃謁守仁而稟學焉自
此加自克治瞬息不懈父喪既除遂絕意科舉從學
副使徐階欲貢于朝謝不就嘗曰學者當循其本心
之明時時自見已過剗磨砥厲以融氣稟絕外誘微
諸倫理事物之費無一不慊于心而後為聖門之正
學此非從事困勉不可得門而入也彼高談虛悟炫
朱滿本獨非德之賊乎欽于曉字伯光正德中舉于
鄉初守仁為南京鴻臚卿吉安人未有及門者曉往
獨與論學有契遂受業歸以語文敏邇來亦往師之
而曉復聯全志為惜陰會相與講求良知之學自是

吉安講席大興由曉倡之後為新安知縣有善政解
官歸學者所稱師東兩峰晴川三先生也又有劉陽
者字一舒初從曉受經後曉告以守仁之學遂往謁
于贛州守仁語之曰學者苟不能甘至貧至賤不可
為聖人陽聽受教嘉靖初舉于鄉久之知陽山縣奸
民好為盜陽立捕殺其魁盜為衰息乃旌孝于祭節
婦教尚禮教民俗以淳黃河久為患陽奔沐七日率
父老虔禱河自疏濬二十七里遠近異之徵授御史
法民遞道又送為建生祠帝改萬壽宮為永禧仙宮
諸司皆賀衆御史為陽為表陽曰此當誅不當賀衆

趣之陽終不可請獨當其責乃已故事申官持疏散
諸司皆北而揖陽謂同列曰疏在中官手北面可身
既授疏奈何復依然自尊竟東向揖中官亦無以難
也日嘗蔬食即舍間若僧虛嚴嵩以同鄉故曲加延
接陽竟引疾歸居父喪哀毀廬墓終喪遂不出日與
士大夫講學然務實踐不尚虛寂學者因其自號稱
三五先生

魏良政字師伊新建人王守仁巡撫江西與兄良弼
及弟良器良貴咸受學焉時提學副使邵銳巡按御
史屠龍操論興守仁異數戒諸生守常業毋奔竭為

虛設諸生頗多畏避而良政兄弟獨不顧深為守仁
所許然兄弟中惟良政功尤專故聞道最早為人孝
友敦朴燕居無惰容嘗曰學問要領既明其功惟在
身一又曰不充人何人不可處不累事何事不可為
嘉靖四年舉鄉試第一人未幾卒良政居家兄弟自
相師友既沒良弼嘗言吾夢中每見師伊輒流汗浹
背其為兄敬憚如此良弼字師顏性超穎絕人守仁
亟稱之後守仁歸里良弼從焉時王畿為諸生落魄
不羈見諸徒來講學者輒笑罵之居與守仁隣不見
也良弼多方勸誘幾悅達旦如一日與同門生徒壺

惟敬幾過而見之笑曰腐儒亦為是耶良器曰吾等
為學未嘗迂腐君第不知耳幾自是稍相嫗就己而
有味其言遂執業守仁之門故時稱良器善誘歸至
白鹿書院濶揚師說生徒數百人甘知王氏學獨良
器雖宗良知而踐履務平實學者稱為藥湖先生及
卒幾懷其恩每語及必流涕良弼以直諫顯自有傳
良賁進士仕至右副都御史

徐愛字曰仁餘姚人王守仁妹婿也正德二年守仁
被謫歸愛與山陰蔡宗克朱節從之問學有省遂執
業為弟子其秋三人並舉于鄉別守仁北上守仁言

徐生之溫恭蔡生之沉潛朱生之明敏皆我所不逮
明年愛登進士第知祁州為政愷悌大盜劉晨等起
有保障功宥疏陳十事多見采納遷南京兵部員外
郎時守仁亦拜南京太僕少卿遂同舟歸里相與辨
問愛姿故穎敏聞言即契自是益篤信不疑已守仁
遷南京鴻臚卿愛與晨夕游處學益有聞當是時學
者素習程朱之訓一旦聞守仁言多違回未信愛為
之疏通辯析暢其指要由是門人日益親守仁嘗曰
曰仁吾之顏淵也遷南京工部郎中十一年守仁出
撫南贛愛亦請假歸未幾卒年三十一愛及門最先

邇道最早淵冲和粹造詣過宗究節遠甚雖諸及門
亦皆自以為不及也守仁得計及之慟一日錄畢環
柱走嘆曰安得起曰仁九泉而聞斯言乎乃率門人
之其墓所酌酒而告之宗究字希淵正德十二年進
士歷延平南康教授入為國子助教終四川提學僉
事節字守中正德八年進士授黃州府推官入為御
史嘉靖初巡按山東大盜起顏神鎮延蔓州縣十數
節驅馳戎馬間以勞瘁卒贈光祿少卿當守仁倡道
其鄉隣境士從游者甚衆海寧董溪字子濤以詩名
江湖間年六十有八矣游會稽聞守仁講學以杖履

其款笠詩卷訪之入門長揖守仁異其氣貌禮敬之
與語連日夜退語何秦請受業守仁以爲老避辭之
漢曰先生乃以我爲不誠遂辭歸逾月素其款笠復
來謁卒委贄爲弟子守仁與之陟秦望登香爐峯尙
伴雲門若耶刻曲間漢日有聞益欣然忘歸鄉人及
前偕漢爲詩者守仁笑之或作詩招漢漢不顧予教
亦受業于守仁後舉進士庶知安義漢陽二縣仙居
應良字原忠正德六年進士由庶吉士授編修守仁
官吏部良受學焉以親老歸養屏跡山中講學授徒
者將十年嘉靖初乃還任尋伏闕爭大禮下獄廷杖

及張璠輩得志黜翰林為外官良得山西副使謝病
歸卒永康廬與字天彝正德九年進士除兵部主事
與江山周文興論學有悟遂引疾歸後從守仁游得
其指要歸建書院于壽小集生徒講學嘉靖中起故
官復以養母歸荐者相繼終不起以學行重于鄉
錢德洪名寬字德洪後以字行政字洪甫餘姚人王
守仁自南京兵部尚書歸里德洪偕邑中同志數十
人共稟學焉時四方士從守仁游者踵至德洪與王
幾先為疏通其大旨而後卒業于守仁遂稱為教授
師嘉靖五年舉會試徑歸七年冬偕幾入都赴廷試

聞守仁計乃奔喪至青溪議喪服或曰昔七十子喪孔子若喪父而無服德洪曰吾夫子沒于道路無喪主弟子何可無服然某也有親在麻衣布絰弗敢有加馬畿曰我已無親遂服斬衰喪歸德洪與畿築室于場以終心喪卅一年始成進士除蘇州教授內艱服闋起國子監丞尋遷刑部主事歷部中郭勛之下詔獄也主者鞠實移部定罪德洪據獄詞論死廷臣惡勛甚必欲坐以不軌謀疑德洪故予輕比言官遂劾德洪不習刑名而帝雅不欲置勛死方惡法官重擬遂囚言官疏下德洪詔獄所司列上其罪已出獄

矣帝曰始朕命典獄官毋加勛桎梏而德洪故違之
此與勛不領勅何異其再下詔獄考訊時御史楊爵
都督趙卿亦在繫德洪與講易不報久之始斥為民
德洪既廢遂周遊四方號召同志與論良知之學所
至逆指恐後時南方講席益盛士大夫率務講學為
名高而德洪與幾以守仁高第弟子尤為人士所宗
然兩人性行頗異德洪徹悟不如幾幾之持循亦不
如德洪故幾竟入于禪而德洪猶不失儒者矩矱至
年七十作頤閒書告四方始不出遊穆宗立詔復官
即家進階朝列大夫致仕神宗嗣位復進一階萬曆

二年卒年七十九學者稱緒山先生

王幾字汝中山陰人弱冠舉于鄉為人跌宕自喜後
受業王守仁遂變其宿習幾天姿高聞守仁言畧無
疑滯守仁大喜嘉靖二年下第歸焚其路引誓果志
於學不復進取五年復當會試守仁強之曰吾豈以
一第榮子哉願吾之學疑信者半而吾及門士朴厚
者未通解穎慧者之沉毅能闡明者無踰于士大夫
群萃都下子曷往焉幾乃北上遂中式時大臣多不
喜守仁學幾語錢德洪曰此非吾輩入仕時也並不
就廷對而歸守仁征思田留幾德洪主書院四方門

人從守仁者率告之曰王錢二生在越中若輩第徂
質之不異見我也已奔守仁喪經紀塋事持心喪三
年久之與德洪同第進士授南京兵部主事遯疾歸
已入都會簡官僚禮部郎吳春荐之于婦翁妻言言
曰吾亦知之但須一錫吏部春以語幾幾謝之言遂
大憾補幾原職尋進武選郎中三殿災給事中感賢
等會薦人才幾預焉言遂擬旨斥幾偽學奪賢言職
幾乃再疏謝病歸幾自捐學當致知見性而已即應
事有小過不足為累以故在官弗免干請二十四年
京察南京考功郎中薛應旂將黜幾幾友多貽書責

應旂唐順之在樞詆應旂卒以不謹斥之幾既中廢
益務講學足跡幾遍東南吳楚閩越皆有講舍年八
十餘猶未肯息其論良知但指本體茲流于虛寂
頗善說說能鼓動人所至聽者雲集每廣座闌揚時
雜以禪機竟亦不自諱也學者稱為龍谿先生其後
士之浮誕不逞者率自名龍谿弟子焉

程文德字舜敷永康人初受業同府章懋為教本之
學後與王守仁游復聞良知宗旨舉嘉靖八年進士
第二授翰林編修嘗上郊祀議及孝敬勤儉四詩坐
同年生楊名劾汪鋐事下詔獄謫信宜典史總督侍

即陶謬廷主蒼梧書院尋還信宜報麗澤書院以
學者已至高州主高明書院其教專主立志士多信
從居三年銓罷量移安福知縣再遷兵部員外部父
憂歸結廬墓側終喪不入內起兵部部中推廣東提
學副使未赴改南京國子祭酒先是南京太常寺及
國子監博士等官不得選臺諫至是以文德言許入
選尋遭母憂服闋起禮部右侍郎適俺荅犯京師命
分守宣武門鄉民避寇者疏擁郭外不得入文德盡
納之疏請嚴禁將士妄殺報功急散太倉米賑避寇
饑民俱報可調吏部左侍郎三十二年兩畿及山東

河南大水民饑文德請遣使往賑得便宜處置凡官
帑公廩輸贖勸借苟可以濟民者悉不限制而撫按
以下盡停諸常務一意籌畫荒政督率有司即以賑
恤之勤情為殿最帝善其言遣官如文德指已改掌
庶事府明年供事西苑文德本以儒業進使為道家
祝釐事非其好也所撰青詞頗有所規諷帝銜之又
明年南京吏部尚書缺文德以資當選願外補吏部
即以其名上帝疑文德欲遠已乃責其語多漫欺命
調南京工部右侍郎文德疏辭勸帝享安靜和平之
福帝益怒以為誇訕除其名文德崇行素高既歸聚

徒竊學養足不入城市及卒貧不能贖萬曆間追贈
禮部尚書謹文恭

王良字汝止泰州人初名銀後王守仁為更名曰良
七歲受書鄉塾貧不能竟學父以窶丁役于官冬月
晨起以水澆而寒而呻吟良歎曰為人子而令父至
此尚得為人乎自是出代父役入則掃舍侍養晨昏
定省惟謹良初所讀書雖止孝經論語大學而信口
談說自中理解後悟天地萬物與己一體遂謝棄雜
務始秉禮為儒者然鄉人未之識也久之有客自江
西來聞良言論詫曰何乃類王中丞語乎因為良道

良知學良亦說曰有是哉雖然王公論良知良言格物如其用也是天以王公乎天下後世也如其異也是天以我予王公也時守仁巡撫江西即日往謁至中門執木簡而立守仁迎之門外良長揖據上坐守仁見其冠服有異問何冠曰有虞氏之冠何服曰老萊子之服守仁曰將止學其服耶抑學其戲舞娛親也良色動辨問久之漸移坐稍側既而大服下拜為弟子退釋所聞復疑之悔曰吾誤矣明日入見具告之悔守仁曰善哉子之不輕信從也復就賓位自如已竟心折卒稱弟子守仁語門人曰吾他日數遭大

寇無所動今日為斯人動矣守仁歸里良從之已而
歎曰吾師倡明絕學何風之不廣也乃還家製小車
自載北上所過招要人士告以守仁倡道東南欲以
揚其聲名既抵京師同門生駭異為匿其車趣使送
守仁聞之亦不悅良往謁拒之不見居三日守仁送
客至門良長跪道旁曰良知過矣守仁不顧而入良
隨至庭下大聲曰仲尼不為己甚者乃揖之起及守
仁從良遂却家設講遠近果赴時王久弟子遍天下
率皆都爵位有氣勢獨良以布衣抗其間其聲名反
出諸弟子上諸弟子亦不敢以布衣薄之然良本狂

士雖承學于守仁往往駕師說而上之持論益高遠
顏出入于二氏而良骨剛氣和內外澄澈音咳矜顏
皆足動人所引接雖樵夫牧豎亦能使之有省即責
顏悍戾不悅學者聞良言亦往往悔謝四方延主講
席者惟恐或後其教大行獨不喜著述有酬答印口
占令其子及門人筆之專意而已御史洪垣構精舍
居其學徒督漕都御史劉邦巡按御史吳悌皆薦于
朝不報于袞字宗順九歲隨父詣會稽守仁每臨講
席必命童子執持諸童子多呬嚙不成韻袞獨從容
聞雅琴韻悠然守仁善命師事王畿錢德洪袞制行雅

嚴謹生平慎取于教孝弟聯宗族而亦頗善誨誘民
集生徒講學襲相之良沒四方士大夫延襲主講席
不異于良學者稱良心齋先生襲東崖先生

薛侃字尚謙揭陽人性至孝父疾為嘗糞舉正德十
二年進士即以侍養歸旋師事王守仁于贛州篤信
其學歸以語其兄助教俊俊素有學行聞之大喜即
率群弟子姓往受學焉自是王氏之學盛行于嶺南
世宗立侃始謁選授行人尋聞母訃計頃絕于地五日
始食粥嘉靖七年起故官闕守仁卒偕同門歐陽德
華為位朝夕及時方議文廟祀典侃請從祀陸九淵

陳獻章九淵得報允已進司正十年秋疏言祖宗分
封子弟必留一人京師司香有事居守或代行祭饗
為國家慮至深遠也到聖相承莫之或改至正德初
逆瑾懷二始令就封乞稽復舊典擇親藩賢者居之
京師慎選正人輔導以待他日皇嗣誕生此宗社大
計乞下廷臣博議帝震怒詰所言出何典章立下獄
廷鞠究交通主使者先是南海彭澤為吏部郎素無
士行因議禮附張孚敬遂與為腹心後京祭被黜孚
敬奏劄之復引為春坊諭德至太常卿侃為是疏已
一年初以示光祿卿黃宗明勸勿上又以示澤澤與

侃及少詹事夏言為同年生而言是時教忤乎敬業
故思中之澤見疏因默計儲副事帝所諱言之必與
大獄微詞輕言同謀可禍也乃給侃取其藁懷以示
乎敬且語前計乎敬大喜澤走報侃曰張公見疏甚
稱善此國之大事當從中贊之因趣之上與為期日
乎敬乃先錄侃藁以進謂出于言且云編修歐陽德
見其疏頗許可而中允廖道南謂言交通江西王府
有迹請且勿發以待疏至帝許之已侃猶懼欲止澤
類趣之侃乃上奏至是考掠脩至侃獨自承無所引
既索自獄不具澤乃微詞挑之俾引言侃瞋目曰疏

我所自具趣我上者滿也。爾謂張少傅許助之于言
何預耶。給事中孫應奎、曹汴、輯等故令避手。故怒。應
奎等具疏以聞。詔並下言。應奎、汴、詔、獄、命、郭、勛、翟、鑾
及司禮中官會廷臣再鞠。其得其實。帝乃釋言等。出
乎。發密疏。示廷臣。斥其忤。因令致仕。侃為民澤。成
大同澤。在朝。壽為邪媚。至是自敗。天下快之。侃出都
至潞河。遇聖壽節。焚香叩祝甚恭。時奏議項喬方欲
行禮。或報喬曰。小舟中有民服。而祝聖者。是何人也。
喬曰。此必薛中離也。遣使問之。果然。中離者。侃自疏
也。歸家。益奮力于學。從游者恒百餘人。隆慶初。復官。

贈御史弟僑亦舉進士為兵部郎中俊子宗鑑自有傳

蔣信字卿實常德人年十四失怙居喪毀瘠久為諸生饋粥常不克稽古求志禔身以禮雜感暑未嘗袒襦與同郡其元亨善一日論大學信曰知止當是識仁禮元亨躍然曰如此則定靜安慮即是以誠敬存之自是講求愈力己王守仁謫龍場經其地遂偕元亨師事焉無何得危疾入道林寺閉目靜坐者半年洞見萬物一體舉遂大進諸生多從之游嘉靖初貢入京師復師湛若水及若水為南京祭酒信遂卒業

而監若水閣下士多則令信分教至十一年舉進士
年已五十矣初除戶部主事遷兵部員外郎旋擢四
川水利僉事播州土官以重賄覬于達叱去之盡心
民瘼凡無不得以情言者有道士以妖術愚衆橫奪
人貨他司道人往攝筭敢近信使召之其術不驗遂
寘諸法十九年遷貴州提學副使迪士以實行建書
院二左曰文明右曰正學聚群髦士其中廉而誨之
龍場故有守仁祠為置祀田湖廣清浪五衛諸生以
道遠不能赴鄉試信請附試于貴州增其解額奸民
易棊等竄入苗中誘其酋為不法御史趙大佑捕獲

之苗太閔巡撫劉彭年懼信遣使諭以國法立群敬
信以病數乞歸彭年不許會御史萬鍾以劾苗情至
辰州檄監司一人赴軍中議事彭年乃以屬信事竣
暫一過家而御史魏洪冕劾其擅離職守遂除名信
之初從守仁游也時未以良知立教後與若水游處
最久故其學得之湛氏為多然信踐履篤實不事虛
談湖南學者莫不信從其教稱之曰正學先生卒年
七十九門人咸衰經執喪同時周衝字道通宜興人
正德五年舉于鄉授高安訓導胡王守仁講學贛州
遂往受業用荐擢應城知縣有惠政嘉靖初以兵疾

改邵武教授遷厚府紀善上書陳修德裕後十二事
王甚重之居八年特荐于朝詔加五品俸未幾卒衝
之赴京改教也復從湛若水游嘗曰湛之體認天理
即王之致良知也與信集師說為新泉問辨錄是時
兩家門人各相非笑衝為疏通其旨焉

翼元亨字惟乾武陵人受業王守仁以不取為主守
仁知廬陵徃從之舉正德十一年鄉試復從守仁于
贛守仁屬以教子己命王濂溪書院善于警發同門
生成嚴事之時年王宸濂懷不軌而外務名高貽害
守仁問學守仁欲曉以大義使元亨往報既見宸濂

以語挑之元亨佯不喻獨與之論學退而宸濠大笑
曰人之癡一至是耶他日再見語西銘元亨反覆君
臣之義則怫然大詫元亨從容辨析自如宸濠亦服
其有騰厚贈遺之元亨返其贈于官已而宸濠敗張
忠許泰至江西誣守仁與通謀以詰宸濠謝無有忠
等詰不已曰獨嘗遺其元亨來論學忠等大喜將藉
此禍守仁急捕元亨榜掠加以炮烙元亨終不承乃
械送京師繫詔獄世宗嗣位言者交章白其寃出獄
五日而卒同門梁焯陸澄應典為棺斂歸其喪守仁
聞訃哭之慟厚恤其家元亨為人誠信仁恕視人猶

已在獄待諸囚若兄弟囚皆感泣其被遠也所司並
繫其家屬妻李氏無怖色曰吾夫平日尊師樂善豈
他慮哉獄中與二女治麻桑不輟事且白守者欲出
之曰未見吾夫出將安往按察諸僚婦聞其賢召之
辭不赴已潔一室就死則囚服而見手不釋麻桑問
其學曰吾夫之學不出閨門祗席間聞者悚然
陸澄字原靜歸安人王守仁官南京澄從之游始月
一至已而益親旦暮侍澄故豪俊自是日雍默歛然
自以為不足也登正德十二年進士歷刑部主事武
宗末年儲嗣未建澄請擇宗室親賢者居之京師以

繫天下之望不報踰月而帝崩嘉靖初御史程菴充
劾守仁交通逆藩宜奪爵澄抗章極辯御史向信遂
劾澄黨比帝戒澄毋妄言駟馬都尉京山侯崔元以
獄情請屬澄即劾元並上其簡帝不問時諍守仁者
紛起澄不平欲條為六辨上之守仁不可而止以便
養改南京刑部尋丁憂歸始大禮議起澄上疏極言
違尊之非違服闋入都而明倫大典已定楊廷和等
皆得罪澄上言臣初為人所誤後以質臣師守仁謂
父子天倫不可奪今上孝情不可違禮官之言未必
是張桂之議未必非然後大恨初議之不經而悔無

及也。章下吏部尚書桂萼。悅其言。稱澄事君不欺。宜
聽其自新。乃除禮部主事。居數月。帝聞大典見澄前
疏。惡之。謫高州通判。自免歸。澄有孝行。居父喪。哀毀
至。夫明在守仁門下。最善問學者。因其師弟問答。多
所啓發。守仁亦極許之。嘗言自徐曰。仁沒。吾道益孤。
所望于原靜者。不淺然。其上疏自悔。初說論者。皆以
反覆逢迎。目之。有徐珊者。學于王氏。以鄉舉應會試。
見發策。問心學意。執守仁遂不對。而出。一時名甚震。
後以選人久改。得同知辰州。侵餉事覺。自縊死。
林春。字子仁。泰州人。世為軍家。至春始讀書。然其甚

幾廢書者數矣春自力不怠遂為諸生已受業州人
王良聞良知之學欲躬踐之意發則以朱墨筆分識
其臧否用自考鏡自是動有繩檢尺寸不逾嘉靖十
一年舉會試第一除戶部主事調禮部又調吏部他
人官吏部者率自矜高鑄門謝容春獨悛悛務自下
門無留賓出署則適詣同志友與之講學或就僧廬
道院而談論竟夕以為常人見其至誠亦不忍以私
干之時縉紳士以講學聚京師者數十人聰明解悟
善談說者推王幾若志行敦實則推春及羅洪先洪
先為學最樸密春猶以露才而刺之進員外郎以母

病歸久之赴官歷文選部中益兢兢思盡職獎進賢
士慎擇監司守令以端吏治志或不盡行時拊几太
息曰吾求盡吾心而已二十年冬感疾一昔而卒年
止四十四發其篋僅白金四兩寮友嗟嘆為棺斂歸
其喪春雖學于良而操行謹嚴不樂浮曠故其學為
不失正他若顏鈞梁汝元獨狂放恣竟為世大詬人
謂良有以啓之徐樾字子直貴溪人初從王守仁游
復受業于王良嘗與良步月下顏自矜持良厲聲曰
天地不交否樾自是心清胡悟與春同舉進士歷禮
部郎中出為福建叅議有異政言官屢荐皆報罷素

遷雲南左布政使三十年沅江土酋那鑑反遣使詐
降繼信之竟抵其城下死焉詔贈光祿寺卿予祭葬
任一子官

論曰良知之說興士大夫樂其便易每爭趨之其能
創悔補救行檢可觀者惟鄒羅數子而已若畿之捍
閩良之詭誕已不勝其猖狂之弊而况下此浮薄恣
肆之徒誣民害政為世詬病者乎即如興獻廟議亦
國家一大典禮也守仁既自命為鉅儒曾未聞有所
折衷以定國是乃僅令其門人陸氏假託私談焚惑
衆聽依違反覆於前後章奏之間吾不知師若弟之

所謂良知良知者果安在也夫變詐如澄有日者所
共見而守仁則視同徐愛假諸顏曾之列欺人乎欺
己乎誠不可解也已